

善女人爲無上道故爲衆生說法示教利喜  
令住六波羅蜜開佛道是業果報故轉身易  
得應六波羅蜜深經若得能疾受持乃至如  
所說修行精進不捨卅常不離用六波羅  
蜜果報故淨佛世界成就衆生乃至無上道  
若惜法則常生邊地無佛法處

卷六

十六

命

大智度論卷第六十七

釋第四十  
五品之下

端七

瑕穢

上胡

加友

眼醫

下一

裸

郎即

果反

又胡

瓦反

又閑

昌谷

沮

反才

呂讒

助衛

喀良

刃反

大智度論卷第六十八

端八

龍樹菩薩造 姚秦三藏法師鳩摩羅什譯

釋魔事品第四十六

計四十  
七品上

經余時慧命須菩提白佛言世尊是善男子善  
女人發阿耨多羅三藐三菩提心行六波羅蜜  
成就衆生淨佛世界佛已讚歎說其功德世

卒起當知亦是菩薩魔事世尊何因緣故樂  
說辯卒起復是魔事佛言菩薩摩訶薩行檀  
波羅蜜乃至般若波羅蜜著樂說法以是因  
緣故樂說辯卒起當知是菩薩魔事復次須  
菩提書是般若波羅蜜經時偃儼傲慢當知  
是菩薩魔事復次須菩提書是經時戲笑亂  
心當知是菩薩魔事復次須菩提若書是經  
時輕笑不敬當知是菩薩魔事復次須菩提  
若書是經時心亂不定當知是菩薩魔事復  
次須菩提若書是經時各各不和合當知是  
菩薩魔事復次須菩提善男子善女人作是  
念我不得是經中滋味便棄捨去當知是菩

薩魔事復次須菩提受持般若波羅蜜讀誦說若正憶念時偃儼傲慢當知是菩薩魔事復次須菩提若受持般若波羅蜜經親近正憶念時轉相形笑當知是菩薩魔事復次須菩提若受持般若波羅蜜經讀誦正憶念修行時其相輕慢當知是菩薩魔事若受持般

若波羅蜜讀誦乃至正憶念時散亂心當知是菩薩魔事若受持般若波羅蜜讀誦乃至正憶念時心不和合當知是菩薩魔事須菩提白佛言世尊世尊說善男子善女人作是念我不得經中滋味便棄捨去當知是菩薩魔事世尊何因緣故菩薩不得經中滋味便

棄捨去佛言是菩薩摩訶薩前世不以行般若波羅蜜憚波羅蜜毗梨耶波羅蜜羣提波羅蜜尸羅波羅蜜擅波羅蜜是人聞說是般若波羅蜜便從座起作是念言我於般若波羅蜜中無記心不清淨便從座起去當知是菩薩魔事須菩提白佛言世尊何因緣故不

與授記聞說是深般若波羅蜜時便從座起去佛告須菩提若菩薩未入法位中諸佛不與授阿耨多羅三藐三菩提記復次須菩提聞說般若波羅蜜時菩薩作是念我是中無名字心不清淨當知是菩薩魔事須菩提言何因緣故是深般若波羅蜜中不說是菩薩名字佛言未授記菩薩諸佛不說名字復次須菩提是菩薩摩訶薩作是念是般若波羅蜜中無我生處名字若聚落城邑是人不欲聽聞般若波羅蜜便從會中起去是人如所起念時念念却一劫甫當更勤精進求阿耨多羅三藐三菩提

論釋曰一切有爲法各有增上增上者共相違相違即是怨賊如水得增上力滅火火得增上力則消水乃至草木各有相害何況衆生善薩摩訶薩有大悲心雖不與衆生作怨而衆生與菩薩作怨菩薩身有爲法故能作留難佛上說菩薩功德所謂諸佛菩薩諸天

所護而未說怨賊相今佛憐愍故先雖略說  
今須菩提請佛廣說留難事佛雖於一切衆  
生一切法心平等以是菩薩能大利益世間  
故說好醜相及利害是道非道留難事佛不  
令行人毀害留難者但令覺知不隨其事何  
者是怨賊略說若衆生法非衆生法能沮壞

端八

三

未

菩薩無上道心非衆生者若疾病飢渴寒熱  
推壓墜落等衆生者魔及魔民惡鬼邪疑不  
信者斷善根者定有所得者實定分別諸法  
者深著世間樂者怨賊官事師子虎狼惡獸  
毒蟲等衆生賊有二種若內若外內者自從  
心生憂愁不得法味生邪見疑悔不信等外  
者如上說如是諸難事佛惄名爲魔魔有四  
種煩惱魔五衆魔死魔天子魔煩惱魔者所  
謂百八煩惱等分別八萬四千諸煩惱五衆  
魔者是煩惱業和合因緣得是身四大及四大  
造色眼根等色是名色衆百八煩惱等諸  
受和合名爲受衆小大無量無所有想分別

和合名爲想衆因好醜心發能起貪欲瞋恚  
等心相應不相應法名爲行衆六情六塵和  
合故生六識是六識分別和合無量無邊心  
是名識衆死魔者無常因緣故破相續五衆  
壽命盡離三法識熟壽故名爲死魔天子魔  
者欲界主深著世間樂用有所得故生邪見  
憎嫉一切賢聖涅槃道法是名天子魔魔秦  
言能奪命者唯死魔實能奪命餘者亦能作  
奪命因緣亦奪智慧命是故名殺者問曰一  
五衆魔攝三種魔何以故別說四答曰實是  
一魔分別其義故有四煩惱魔者人因貪欲  
瞋恚故死亦能作奪命因緣是近奪命因緣  
故別說天子魔雜福德業因緣故力勢大邪  
見力故能奪慧命亦能作死因緣是故別說  
無常死力大一切無能免者甚可畏歟故別  
說問曰是魔何以惱亂行道者答曰先已廣  
說是品中皆有四種魔義但隨處說復次三  
魔不相遠離若有五衆則有煩惱有煩惱則

天魔得其便五衆煩惱和合故有天魔是故須菩提問佛上已讚嘆說菩薩功德今云何是菩薩魔事起佛答樂說辯不即生是爲魔事者若菩薩摩訶薩憐愍衆生故高座說法而樂說辯不生聽者憂愁我等故來而法師不說或作是念法師怖畏故不能說或言不

端八

四

朱

知故不說或自惟過咎深重故不說或謂不得供養故不肯說或謂輕賤我等故不說或串樂故不說如是等種種因緣聽者心壞故以不樂說名爲魔事復次是菩薩憐愍衆生故來欲說法聽者欲聞而法師心生欲說而口不能言現是魔事如魔入阿難心佛三問

而三不答義乃說者此中須菩提問世尊何因緣故辯不即生佛答菩薩行六波羅蜜時難具足六波羅蜜所以者何是人先世因緣故鈍根懈怠魔得其便不一心行六波羅蜜故樂說辯不即生問曰如樂說辯不即生是魔事今樂說辯卒起何以復是魔事答曰是

法師愛法著法求名聲故恣樂說無有義理如逸馬難制又如大水暴漲衆穢渾雜是故此中佛自說菩薩行六波羅蜜著樂說法是爲魔事復次是般若波羅蜜爲破憍慢故出而書是經者生我心憍慢憍慢故身亦高所謂偃儻傲慢書是般若波羅蜜時用輕心瞋心戲笑不敬復次是般若波羅蜜若一心攝心猶尚難得何況散亂心書書時從人口受或寫經卷若一心和合則得若授者不與如是等種種因緣是不和合復次觀看是般若經時品品皆空無可樂處作是念我於是經不得滋味便棄捨去般若波羅蜜是一切

端八

五

諸樂根本此人不得其味是爲魔事

復次受持讀誦說正憶念時偃儻形笑散亂心不和合如上說共相輕慢者從人受讀誦正憶念時師徒互相輕慢書寫經時但有捨去無相輕慢以是故無問曰上事中何以但問不得經中滋味不問餘者答曰般若波羅

塞聖人所說與凡人說異是故凡夫人不得滋味須菩提意謂般若波羅蜜是清淨珍寶聚能利益衆生無有過惡是人云何不得滋味佛答是人先世不久行六波羅蜜故善薩信等五根薄故不能信空無相無作無依止法燒亂心起作是言佛一切智何以不與我授記便捨去餘者易解故不問須菩提問若爾者何以故不與授記佛是大悲應當愍念防護其心不令墮惡佛言未入法位人諸佛不與授記所以者何諸佛雖悉知衆生久遠事爲五通仙人及諸天見人未有善行業因緣可授記若爲授記輕佛不信無有因緣云

何與授記是故入法位者與授記是人名字及聚落處亦如是是人從座起去隨其起念多少念念却一劫償罪畢還得人身甫當復爾所劫行

經復次須菩提菩薩學餘經棄捨般若波羅蜜終不能至薩婆若善男子善女人爲捨其

根而攀枝葉當知亦是菩薩事須菩提白佛言世尊何等是餘經善男子善女人所學不能至薩婆若佛言是聲聞所應行經所謂四念處四正勤四如意足五根五力七覺分八聖道分空無相無作解脫門善男子善女人住是中得須陀洹果斯陀含果阿那含果

阿羅漢果是名聲聞所行不能至薩婆若如是善男子善女人捨般若波羅蜜親近是餘經何以故須菩提般若波羅蜜中出生諸菩薩摩訶薩成就世間出世間法須菩提菩薩摩訶薩學般若波羅蜜時亦學世間出世間法須菩提譬如狗不從大家求食反從作務

端六

六

朱

者索如是須菩提當來世有善男子善女人棄深般若波羅蜜而攀枝葉聲聞辟支佛所應行經當知是爲菩薩魔事

須菩提譬如有欲得見象見已反觀其跡須菩提於汝意云何是人爲點不須菩提言爲不點佛言諸求佛道善男子善女人亦復

如是得深般若波羅蜜棄捨去取聲聞辟支佛所應行經須菩提當知是爲菩薩魔事。須菩提譬如人欲見大海反求牛跡水作是念大海水能與此等不須菩提於汝意云何是人爲黠不須菩提言爲不黠佛言當來世有求佛道善男子善女人亦如是得深般若

波羅蜜棄捨去取聲聞辟支佛所應行經當知是亦菩薩摩訶薩魔事。

須菩提譬如工匠若工匠弟子欲擬作釋提桓因勝殿而揆則日月宮殿須菩提於汝意云何是人爲黠不須菩提言爲不黠如是須菩提當來世有薄福德善男子善女人求佛

道者得是深般若波羅蜜棄捨去於聲聞辟支佛所應行經中求薩婆若須菩提於汝意云何是人爲黠不須菩提言爲不黠佛言當知亦是菩薩魔事。須菩提譬如有人欲見轉輪聖王見而不識後見諸小國王取其相貌如是言轉輪聖王

與此何異須菩提於汝意云何是人爲黠不須菩提言爲不黠須菩提當來世有薄福德善男子善女人求佛道者得是深般若波羅蜜棄捨去取聲聞辟支佛所應行經持求薩婆若須菩提於汝意云何是人爲黠不須菩提言爲不黠當知是爲菩薩魔事。

須菩提譬如餓人得百味食棄捨去皮食六十日穀飯須菩提於汝意云何是人爲黠不須菩提言爲不黠佛言當來世有求佛道善男子善女人得聞深般若波羅蜜棄捨去取聲聞辟支佛所應行經持求薩婆若於汝意云何是人爲黠不須菩提言爲不黠當知是

亦菩薩魔事。

須菩提譬如人得無價摩尼珠反持比水精珠須菩提於汝意云何是人爲黠不須菩提言爲不黠佛言當來世有求佛道善男子善女人得聞深般若波羅蜜棄捨去取聲聞辟支佛所應行經持求薩婆若是人爲黠不須

菩提言爲不黠當知是亦菩薩魔事

復次須善提求佛道善男子善女人書是深般若波羅蜜時樂說不如法事不得書成般若波羅蜜所謂樂說色聲香味觸法樂說持戒禪定無色定樂說檀波羅蜜乃至般若波羅蜜樂說四念處乃至阿耨多羅三藐三菩提

提何以故須菩提是般若波羅蜜中無樂說相須菩提般若波羅蜜不可思議相般若波羅蜜不生不滅相般若波羅蜜不垢不淨相般若波羅蜜不亂不散相般若波羅蜜無說無示相般若波羅蜜無言無義相般若波羅蜜無所得相何以故須菩提般若波羅蜜中無是諸法相須菩提若有善男子善女人求菩薩道者書是般若波羅蜜經時以是諸法散亂心當知是亦菩薩魔事

須菩提白佛言世尊是般若波羅蜜可書耶佛言不可書何以故般若波羅蜜自性無故禪波羅蜜毗梨耶波羅蜜尋提波羅蜜尸羅

端八

朱

波羅蜜檀波羅蜜乃至一切種智自性無故若自性無是不名爲性無法不能書無法須菩提若求菩薩道善男子善女人作是念無法是深般若波羅蜜當知即是菩薩魔事世尊是求菩薩道善男子善女人用文字書般若波羅蜜自念我書是般若波羅蜜以字著般若波羅蜜當知亦是菩薩魔事何以故世尊是般若波羅蜜無文字禪波羅蜜毗梨耶波羅蜜尋提波羅蜜尸羅波羅蜜檀波羅蜜無有文字出尊色無文字受想行識無文字乃至一切種智無文字世尊若求菩薩道善男子善女人著無文字般若波羅蜜乃至著無文字一切種智當知亦是菩薩魔事讀誦說正憶念如說修行亦如是

復次須善提求佛道善男子善女人書般若波羅蜜時若國土念起聚落念起城邑念起方念起若聞謗毀其師念起若念父母及兄弟姊妹諸餘親里若念賊若念旃陀羅若念

衆女若念姪女如是等種種諸餘異念留難惡魔復益其念破壞書般若波羅蜜破壞讀誦說正憶念如說修行須菩提當知是亦魔事復次須菩提求佛道善男子善女人得名譽恭敬布施供養所謂衣服飲食卧牀疾藥種種樂具善男子善女人書是般若波羅蜜

端八九朱

經受持讀誦乃至正憶念時愛著是事不得書成般若波羅蜜乃至正憶念當知是亦菩薩魔事

復次須菩提求佛道善男子善女人書般若波羅蜜乃至如說修行時惡魔方便持諸餘深經與是菩薩摩訶薩有方便力者不應貪

普惡魔所與諸餘深經何以故是經不能令人至薩婆若故是中無方便菩薩摩訶薩聞是諸餘深經便捨深般若波羅蜜須菩提我是般若波羅蜜中廣說諸菩薩摩訶薩方便道諸菩薩摩訶薩應當從是中求須菩提今善男子善女人求菩薩道捨是深般若波羅

蜜於魔所與擊聞辟支佛深經中求方便道當知亦是菩薩魔事

醫釋曰學餘經捨般若波羅蜜等有人於聲聞師僧中受戒學法初不聞般若波羅蜜或時餘處聞深著先所學法捨般若波羅蜜於先所學法中求薩婆若有聲聞弟子先得般若波羅蜜不知義趣不得滋味以聲聞經行菩薩道有人是聲聞弟子得般若波羅蜜經欲信受餘聲聞人沮壞其心語言是經初後不相應無有定相汝宜捨之聲聞法中何所不有六足阿毗曇及其論議分別諸法相即是般若波羅蜜八十部律即是尸羅波羅蜜

阿毗曇中分別諸禪解脫諸三昧等是禪波羅蜜三藏本生中讚歎解脫布施忍辱精進即是三波羅蜜如是等種種因緣捨般若波羅蜜於聲聞經中求薩婆若如人欲得堅實好木捨其根莖而取枝葉雖是木名而不中用復次般若波羅蜜是三藏根本得般若波

羅蜜已為度衆生故說餘事是故名枝葉復次聲聞經中雖說諸法實相而不了了般若波羅蜜經中分明顯現易見易得如人攀緣枝葉則墜落若捉莖幹則堅固若執聲聞經則墮小乘中若持般若波羅蜜易得無上道是故說捨根莖取枝葉問曰三十七品三解

端八

十

脫門般若經中亦有今何以故但名聲聞辟支佛經答曰摩訶衍中雖有是法與畢竟空合心無所著以不捨薩婆若大悲心爲一切衆生故說聲聞經則不爾爲小乘證故復次菩薩行般若波羅蜜故能成就世間出世間法是故菩薩若求佛應當學般若波羅蜜譬

至無上道故言不如法問曰若般若波羅蜜畢竟空無所有法不可書讀誦等如是則不應有魔事答曰畢竟空無所有亦非般若波羅蜜相何以故是魔事此中說若是人知無所有是般若波羅蜜相即是魔事若用文字書般若波羅蜜自知我書般若波羅蜜有此善心即是魔事若人知般若波羅蜜相不以著心書讀誦等若有來破者是爲破般若波羅蜜復次內有煩惱魔外有天子魔是二事明易見故說譬喻象大海帝釋殿轉輪聖王無價寶亦如是問曰五欲生五蓋以五蓋覆智慧故不應樂說何以故樂說餘六波羅蜜

乃至無上道而言不如法答曰不如法者不如般若波羅蜜實相般若波羅蜜實相中無定相法云何可樂說若有定相則心著樂說諸佛及菩薩以大悲心故爲衆生說法不著語言用無所得法示衆生畢竟空相般若波羅蜜是人書讀誦等以染著心取六塵相乃

捨般若波羅蜜欲助師除滅惡名或聞父母疾病官事或念賊恐怖欲發心詣餘處旃陀羅亦如是與旃陀羅共住則發瞋恚與衆女婬女共性故婬欲心發如是等種種因緣破壞般若波羅蜜菩薩覺知當莫念莫說或書般若波羅蜜時鈍根者於多恭敬供養事中愛著自念我能書能隨行故有是著是利益即是魔事或有利根者魔或思惟是菩薩不著世間樂一心受般若波羅蜜此人不可沮壞我今當以聲聞深經轉其心使成阿羅漢佛言聲聞經雖深不應貪著譬如燒然金九色雖妙不可捉若菩薩無方便不大利根得是經歡喜是空無相無作盡苦本何復過是便捨般若波羅蜜亦是魔事何以故此中佛說因緣於般若波羅蜜中廣說諸菩薩摩訶薩方便道所謂觀聲聞辟支佛道而不證般若波羅蜜受持讀誦問義正憶念當知是以大悲心行三解脫門故譬如人以酥和毒毒勢則歟不能害人般若亦如是菩薩於般

若中求無上道易得於餘經則難如但服毒是故不應從聲聞經中求菩薩道

大智度論釋兩不和含品第四十七上

復次須菩提聽法欲書持般若波羅蜜讀誦問義正憶念說法人懈怠不欲為說當知是菩薩摩訶薩魔事須菩提說法之人心

不懈怠欲令書持般若波羅蜜聽法者不欲受之二心不和當知是為魔事

復次須菩提聽法欲書持般若波羅蜜讀誦乃至正憶念說法者欲至他方當知是為魔事須菩提說法欲令書持般若波羅蜜聽法者欲至他方二心不和當知是為魔

端八

十二

朱

事復次須菩提說法人貴重布施衣服飲食卧具醫藥資生之物聽法人少欲知足行遠離行攝念精進一心智慧兩不和合不得書般若波羅蜜受持讀誦問義正憶念當知是為魔事須菩提說法人少欲知足行遠離行攝念精進一心智慧聽法者貴重布施衣服

飲食卧具醫藥資生之物兩不和合不得書持般若波羅蜜讀誦問義正憶念當知是爲魔事

復次須菩提說法者受十二頭陀一作阿蘭若二常乞食三納衣四一坐食五節量食六中後不飲漿七塚間住八樹下住九露地住

十常坐不卧十一次第乞食十二但三衣聽法人不受十二頭陀不作阿蘭若乃至不受但三衣兩不和合不得書持般若波羅蜜讀誦問義正憶念當知是爲魔事須菩提聽法者受十二頭陀作阿蘭若乃至受但三衣說法人不受十二頭陀不作阿蘭若乃至不受

但三衣兩不和合不得書持般若波羅蜜讀誦問義正憶念當知是爲魔事

論釋曰一切有爲法因緣和合故生衆緣離則無譬如鑽燧求火有鑽有母二事因緣得火書寫般若乃至正憶念亦如是內外因緣和合故生所謂師弟子同心同事故乃得書

端八

十三

朱

成是故佛告須菩提聽法人信等五善根發故欲書持般若乃至正憶念說法者五蓋覆心故不欲說問曰若五蓋覆心故不欲說何以作師答曰是人著世間樂不觀空無常雖能心知口說不能自行弟子雖必欲行而不能知故更無餘處必諮此人或時師悲心發

故欲令書持般若弟子信等五善根雖不發故著世間樂故不欲受書持乃至正憶念問曰若不欲受持何以名聽法者答曰少多聽受讀誦不能究竟成就故但名聽法若二人善心共同能得般若波羅蜜若不同則不能得是名魔事內煩惱發外天子魔作因緣離是般若菩薩應覺是魔事防令不起若自失當具足若弟子失當教令得復次師或慈悲心薄捨弟子至他方或不宜水土四大不和則無譬如鑽燧求火有鑽有母二事因緣得或善法無所增益或水旱不適或土地荒亂如是等種種因緣故至他方弟子亦種種因緣不能追隨貴重利養者如上五蓋覆心等

復次是二人皆有信有戒而一人以十二頭陀莊嚴戒一人不能問曰一人何以故不能答曰佛所結戒弟子受持十二頭陀不名爲戒能行則戒莊嚴不能行不犯戒譬如布施能行則得福不能行者無罪頭陀亦如是是故兩不和合則是魔事

十二頭陀者行者以居家多惱亂故捨父母妻子眷屬出家行道而師徒同學還相結著心復嬈亂是故受阿蘭若法令身遠離憤訥住於空閑遠離者最近三里能遠益善得是身遠離已亦當令心遠離五欲五蓋若受請食若衆僧食起諸漏因緣所以者何

受請食者若得作是念我是福德好人故得若不得則嫌恨請者彼爲無所別識不應請者請應請者不請或自鄙薄懊惱自責而生憂苦是貪憂法則能遮道僧食者入衆中當隨衆法斷事擯人料理僧事處分作使心則散亂妨廢行道有如是等惱亂事故受常乞

## 食法

好衣因緣故四方追逐鹽邪命中若受人好衣則生親著若不親著檀越則恨若僧中得衣如上說衆中之過又好衣是未得道者生貪著處好衣因緣招致賊難或至奪命有如是等患故受弊納衣法

行者作是念求一食尚多有所妨何況小食中食後食若不自損則失半日之功不能一心行道佛法爲行道故不爲益身如養馬養豬是故斷數數食受一食法有人雖一食而貪心極噉腹脹氣塞妨廢行道是故受節量食法

節量者略說隨所能食三分留一分則身輕安隱易消無患於身無損則行道無廢如經中舍利弗說我若食五口六口足之以水則足支身於秦人中食可十口許有人雖節量食過中飲漿則心生樂著求種種漿果漿蜜漿等求欲無厭不能一心修習善法如馬不

著轡勒左右噉草不肯進路若著轡勒則噉草意斷隨人意去是故受中後不飲漿

無常空觀是入佛法初門能厭離三界冢間常有悲啼哭聲死屍狼藉眼見無常後或火燒鳥獸所食不久滅盡因是屍觀一切法中易得無常相空相又冢間住若見死屍髡爛

端八

十五

未

不淨易得九想觀是離欲初門是故受塚間住法不淨無常等觀已得道事辦捨至樹下或未得道者心則不大厭取是相樹下思惟如佛生時成道時轉法輪時般涅槃時皆在樹下行者隨諸佛法常處樹下如是等因緣故受樹下坐法

行者或觀樹下如半舍無異蔭覆涼樂又生愛著我所住者好彼樹不如如是等生漏故至露地住作是思惟樹下有二種過一者兩漏濕冷二者鳥屎汙身毒蟲所住有如是等過空地則無此患露地住則著衣脫衣隨意使樂月光遍照空中明淨心易入空三昧

身四儀中坐為第一食易消化氣息調和求道者大事未辦諸煩惱賊常伺其便不宜安卧若行若立則心動難攝亦不可久故受常坐法若欲睡時脇不著席行者不著於味不輕衆生等心憐愍故次第乞食不擇貧富故受次第乞食法行者少欲乞食不擇貧富故受次第乞食法行者少欲知足衣趣蓋形不多不少故受但三衣白衣求樂故多畜種種衣或有外道苦行故裸形無恥是故佛弟子捨二邊處中道行住處食處常用故事多衣不須日日求故略說是十二頭陀佛意欲令弟子隨道行捨世樂故讚十二頭陀是佛意常以頭陀為本有因緣不得已而聽餘事如轉法輪時五比丘初得道白佛言我等著何等衣佛言應著納衣又受戒法盡壽著納衣乞食樹下住弊棗蘿於古四聖種中頭陀即是三事佛法唯以智慧為本不以苦為先是法皆助道隨道故諸佛常讚歎

十六末

## 大智度論卷第六十八

釋四十六品說  
四十七品之上

## 端八

偃僂上於願反  
下舉行反傲告奪徒活串古作憲反  
閉八機藥聲下  
官反懈內上俱殊反  
音迷榦幹上戶耕坦反  
社脇虛業下作闢同  
擯必反  
歇許謁鑽鑿子上  
料理平繩

## 大智度論卷第六十九

## 端

龍樹菩薩造 姚秦三藏法師鳩摩羅什釋

釋第四十七品下說第十四  
八品之上

纏復次須菩提說法者有信有善欲書受深般若波羅蜜乃至正憶念聽法者無信破戒惡行不欲書受深般若波羅蜜乃至正憶念當知是爲魔事須菩提聽法者有信有善說法者無信破戒惡行兩不和合當知是爲魔事復次須菩提說法者能一切施心不憚惜聽法者恪惜不捨當知是爲魔事須菩提聽法者一切能施心不憚惜說法者恪法不施兩不和合不得書持般若波羅蜜乃至正憶

念當知是爲魔事  
復次須菩提說法者欲供養說法人衣服飲食卧具醫藥資生所須說法者不欲受之當知是爲魔事須菩提說法者欲供給聽法人衣服乃至資生所須聽法者不欲受之兩不和合不得書持般若波羅蜜乃至正憶念當知是爲魔事

復次須菩提說法者易悟聽法人閻鉢當知是爲魔事須菩提聽法者易悟說法人閻鉢兩不和合不得書持般若波羅蜜乃至正憶念當知是爲魔事

復次須菩提說法者知十二部經次第義所

謂修茹路乃至優波提舍聽法者不知十一部經次第義當知是爲魔事聽法者知十二部經次第義說法人不知十二部經次第義兩不和合不得書深般若波羅蜜乃至正憶念當知是爲魔事

復次須菩提說法者成就六波羅蜜聽法者